



ԵՐԿՈՒՇԱԲԹԻ, 18 ՀՈԿՏԵՄԲԵՐ, 2021

### ՏԵՐՈՒՆԱԿԱՆ ԱՂՈԹՔ

(միասնաբար արտասանուած)

Իմաստութիւն Հօր Յիսուս, Կուր ինձ իմաստութիւն վբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա վիս. եւ ողորմեա քո արարածոց եւ ինձ բազմամեղիս: Ամէն:

## ՍԱՂՄՈՍ 119

ԱՍՏՈՒԾՈՅ ԽՕՍՔԸ ԿԵԱՆՔԻ ԼՈՅՍ

Խօսքդ ճրագ է քայլերուս,  
լուսաւորող՝ ճամբաներուս:  
Երդուն ըրի եւ խոստացայ՝  
արդար վճիռներդ գործադրել:  
Տառապանքս շար ծանր է, Տէր,  
կեանք Կուր ինձի, քու խոստումիդ համաձայն:  
Աղօթքներս կամաւոր ընծայի տեղ ընդունէ, Տէր,  
եւ օրէնքներդ սորվեցուր ինձի:  
Թէպէտ կեանքս յարատեւ վտանգի մէջ է,  
սակայն Օրէնքդ բնաւ չեմ մոռնար:  
Ամբարիշտները ինձի համար թակարդ լարեցին,  
սակայն ես չշեղեցայ հրահանգներէդ:  
Ինձի յաւիտենական ժառանգութիւն դարձուցի պատուիրաններիդ,  
որովհետեւ սրտիս ուրախութիւն են անոնք:  
Որոշած եմ կանոններիդ կատարել,  
այդ է յաւիտենական վարձատրութիւնս:

### ՀԱՐԱԿԱՆ - ԱՂՈԹՔ

*Տէր ողորմեա, Տէր ողորմեա, Տէր ողորմեա, Տէր ողորմեա:  
Ամենատուրք Երրորդութիւն, սուր աշխարհիս խաղաղութիւն:  
Եւ Հիւանդաց բժշկութիւն, ննջեցելոց արքայութիւն:  
Արի Աստուած Հարցն մերոց, որ ապաւէն ես նեղելոց:  
Տէր ողորմեա, Տէր ողորմեա, Յիսուս Փրկիչ մեզ ողորմեա:*

*Պահապան ամենայնի Քրիստոս,  
աջ քո հովանի լիցի ի վերայ իմ ի տուէ եւ ի գիշերի,  
ի նստիլ ի տան, ի գնալ ի ճանապարհ,  
ի ննջել եւ ի յառնել, զի մի երբեք սասանեցայց.  
եւ ողորմեա՛ քո արարածոց եւ ինձ բազմամեղիս:*

# ՕՐՈՒԲԱՆ ՆԻԲԹԸ



ԱՌԱԿԱՅ 18 ԳԼՈՒԽ

## ԻՄԱՍՏՈՒԹԻՒՆ ԵՒ ԲԹԱՍՏՈՒԹԻՒՆ 18:2-10

18րդ գլուխի 2հմրեն սկսեալ, ինչպէս նախապէս ալ տեսանք, որ յիմարին համար հաճելի ու ախորժելի չէ խոհեմութիւնը, իմաստուն խօսքը, քակաւին ջրսելու համար, որ եթէ երբեք քիչ մըն ալ անդին անցնինք, եւ ըսենք որ Իմաստութիւն ըսելով կը հասկնանք Յիսուս Քրիստոսի, շատ հաճելի չէ, որովհետեւ այդ իմաստութիւնը նախ պիտի մաքրէ միտքն ու խորհուրդները, որպէսզի հետոյ իմաստութեամբ լեցնէ: Ուստի որքանով պարտաւոր է յիմարը այդ Իմաստութիւնը ընդունելու: Անոր փոխարէն կ'ուզէ իր սրտին մէջ եղածը յայտնել, այսինքն՝ ինչ որ իր խորհուրդներն են, մարդկային մտածումներն ու ծրագիրները:

3րդ համարը կու գայ ցոյց տալու, որ ամէն մէկ արարք նաեւ ունի իր հետեւանքը, երբ կ'ըսէ. «Ամբարիշտը երբ գայ՝ անարգութիւն ալ կու գայ, ու նախապիւնքին հետ՝ խայրառակութիւն»: Պարզ եւ յստակ բացատրութիւն: Ամբարիշտը այն մարդն է որ ամէն բանի ծաղրանքը, անարգանքը ընելու պարտաւորակամութիւնը ունի. ըլլայ Աստուծոյ խօսքին նկարմամբ, ըլլայ հաւատքի նկարմամբ:

4րդ համարը որքան գեղեցիկ արտայայտութիւն է երբ կ'ըսէ. «Մարդուն բերնին խօսքերը խորունկ ջուրեր են, իսկ իմաստութեան աղբիւրը առաքաբուխ գետ»։ Կը նշանակէ ինչպիսի խորութիւն կայ իւրաքանչիւր իմաստուն խօսքի տակ, նման այն խորունկ ջրհորին, ուր մարդիկ կու գան ջուր վերցնելու: Իսկ իմաստութիւնն ալ կը նմանցնէ առաքաբուխ գետի:

5րդ համարը զգուշացում մըն է, թէ ինչպիսի դատաստանով կամ ինչպիսի արժեզափով մարդիկը դատաստանի կ'ենթարկենք, զգուշացում, որ յանկարծ ջրլայ թէ արդարը սուտ սեպենք, իսկ ամբարիշտին աջառութիւն ընենք: Բան մը որմէ Աստուած չ'ախորժիր:

6րդ համարը կը յիշեցնէ Քրիստոսի այն խօսքը որ կ'ըսէ. «Բերանը սրտին աւելցուքն է որ դուրս կու տայ», այստեղ եւս նոյն իմաստը արտայայտող խօսքն մըն է որ կ'ըսէ. «Անմիտ մարդուն շրթունքները կռիւ կը բերեն, ու անոր բերանը ծեծողը կը կանչէ», որ կը նշանակէ անմիտ մարդուն սրտին մէջինը ուրիշ բան չէ եթէ ոչ այնպիսի խորհուրդներ որոնք շինիչ չեն, այլ կռիւի պարտաւոր նիւթեր, ու ծեծողը հրաւիրող:

Իսկ 7րդ համարը այս անգամ ցոյց կու տամ անմիտ մարդուն վիճակը, ուր ոչ միայն ուրիշին նկարմամբ կռիւ, այլ այս անգամ նոյնինքն իր անձին նկարմամբ երբ «անոր բերնէն ելած խօսք պիտի կործանէ զինք, եւ անոր շրթունքներէն դուրս ելածը իր անձին որոգայթ»։ 8րդ համար. «Քսու մարդուն խօսքերը քաղցր պարտաւորութիւնն ալ են» զգուշացում դատարկ խօսքերէ ու բամբասանքներէ, որոնք քաղցր պարտաւորութիւնն ալ են, համով կը թուին, բայց անոնց ազդեցութիւնը մարդուն մտածելակերպին ու խերհեղակերպին վրայ: Այնքան համեղ կը թուին, ինչպէս որեւէ մէկ պարտաւոր կ'ուզենք նորէն ունենալ նոյնէն: Ահա այդ դատարկ ու բամբասանքի նիւթերու փոխարէն Երեմիա մարգարէն կը նախընտրէ Աստուծոյ խօսքին ճաշակունքը, որ շատ աւելի քաղցր է ճշմարտութեան:

9րդ համարը կը խօսի ծուլութեան մասին, որ դարձեալ անընդունելի երեւոյթ է: Յաճախ կ'ուզենք պահ մը, առիթով մը հանգիստ ընել մեր գործին մէջ, սակայն, ոչ այնպէս մը որ ծուլութեան փրկի մեզ: Որովհետեւ ծուլութիւնը կործանիչ է: Որովհետեւ մարդը կոչուած է գործելու: Չկայ ճեղք վիճակ, կամ այս կողմի կամ այդ կողմի: Կամ Աստուծոյ գոչմակից կամ չարին գործակից:

Ի վերջոյ, այսօրուան վերջին համարը, 10րդ համար կու գայ սորվեցնելու եթէ չենք գիտեր, յիշեցնելու եթէ մոռցեր ենք, «Տիրոջ անունը ամուր աշտարակ է: Արդարը անոր կը դիմէ ու ապահով ապաստանարան կ'ունենայ»: Սիրելիներ, այսօր ալ մեր ներութեան եւ կամ ուրախութեան մէջ երբ Աստուծոյ անունը կը կանչենք, միշտ յիշենք թէ որպէս ինչ կը կանչենք, որպէս պարզ սովորական անուն մը, ինչպէս յաճախ պիտի կանչենք մեր բարեկամներուն կամ ծանօթներուն անունները: Որովհետեւ Աստուծոյ պարագային պարզ անուանում մը, որքան Անոր ինչպիսին ըլլալը: Շատ մը անունները տրուած են Աստուածաշունչ Մատթեանին մէջ Աստուծոյ որպէս անունը, սակայն այդ բոլորը ցոյց կու տան թէ ով է եւ ինչպիսին է Ան: Անուն ըլլալէ աւելի զօրութիւն է, օգնութիւն է, միտքարութիւն է, փրկութիւն է, մեղքերու քաւութիւն է, թողութիւն է, բժշկութիւն է, յոյս է, ապաւին է, Տէր է, ապաստան է, հովանի է, ամէն ինչ է: Բաւարար է որ երբ անունը կը կանչենք, կանչենք հաւատքով, յոյսով, վարահորութեամբ: Ահա այսօրուան օրերը որ կ'ապրինք որքան կարիքը կը զգացուի այդ անունին դիմելու: Նոյն այդ անունը նաեւ տրեւոյցաւ մեր փրկչին Յիսուս Քրիստոսին: Տէր, Էմմանուէլ, Քրիստոս, Յիսուս, որ դարձեալ կը նշանակէ՝ Տէր է, տիրութիւն ընող, մեզի հետ է, Օծեալ է, Տէրը կը փրկէ, պիտի փրկէ: Ուրեմն երբ այդ անունը կը կանչենք, կանչենք այդ հաւատքով առանց կասկածելու: